

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK



BOSNIA AND HERZEGOVINA
FEDERATION OF BOSNIA AND
HERZEGOVINA
TUZLA CANTON
ČELIĆ MUNICIPALITY
MUNICIPAL MAYOR

Tel: 035/668 650 A. Izetbegovića 60-2. 75246 Čelić E-mail: info@opcinaacelic.ba

Broj: 02-45-693/25

Čelić, 16.05.2025. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17), na preporuku komisije za nabavku broj: 03-45-693/25 od 14.05.2025.godine, u postupku javne nabavke radova „Unaprijeđenje energetske efikasnosti administrativno-upravnog objekta općine Čelić“, Općinski načelnik donosi:

ODLUKU ***o izboru najpovoljnijeg ponuđača***

Član 1.

Prihvata se preporuka komisije za javnu nabavku broj: 03-45-693/25 od 14.05.2025.godine i ugovor o izvođenju radova „Unaprijeđenje energetske efikasnosti administrativno-upravnog objekta općine Čelić“, dodjeljuje se grupi ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko, vođa grupe: d.o.o. „Papilon“ Koraj-Čelić, ponuda broj: 17/25 od 15.04.2025.godine, zaprimljena na protokol ugovornog organa dana 16.04.2025.godine, sa najnižom ponudenom cijenom i nakon održane e-aukcije u iznosu od 318.889,60 KM bez PDV-a.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke dostavi originale ili ovjerene kopije dokumentacije navedene u tenderskoj dokumentaciji broj: 02-45-693/25 od 25.03.2025.godine.

Član 3.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 4.

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 02-45-693/25 od 24.03.2025.godine. Javna nabavka radova „Unaprijeđenje energetske efikasnosti administrativno-upravnog objekta općine Čelić“ provedena je putem otvorenog postupka. Procijenjena vrijednost javne nabavke iznosila je 319.446,40 KM bez PDV-a.

Obavještenje o nabavci broj: 306-1-3-34-3-17/25 objavljeno je na Portalu javnih nabavki dana 25.03.2025.godine.

Komisija za javne nabavke imenovana rješenjem o imenovanju komisije za nabavku broj: 02-30-223/25 od 27.01.2025.godine i odlukom o angažovanju službenika za javne nabavke izvan ugovornog organa Općine Čelić broj: 02-30-223-4/25 od 18.03.2025.godine nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku zapisnik o pregledu i ocjeni ponuda broj: 03-45-693/25 od 16.04.2025.godine, preporuku o izboru najpovoljnijeg ponuđača broj: 03-45-693/25 od 14.05.2025.godine i izvještaj o radu komisije broj: 03-45-693/25 od 14.05.2025.godine.

U postupku po Izvještaju o radu utvrđeno je da je Komisija blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno četiri ponude i to: „EKOEN“ d.o.o. Bijeljina, „Radis“ d.o.o. Istočno Sarajevo, „Metal remont“ d.o.o. Tuzla i grupa ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko,
- da su blagovremeno primljene četiri ponude,
- da nije bilo neblagovremeno primljenih ponuda,
- da ponude ponuđača „EKOEN“ d.o.o. Bijeljina, „Radis“ d.o.o. Istočno Sarajevo, „Metal remont“ d.o.o. Tuzla i grupe ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko ispunjavaju kvalifikacione uslove te su ocijenjene kao prihvatljive.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda ponuđača „EKOEN“ d.o.o. Bijeljina, „Radis“ d.o.o. Istočno Sarajevo i „Metal remont“ d.o.o. Tuzla, komisija je utvrdila da je potrebno tražiti pojašnjenje potvrda o uredno izvršenim ugovorima uz predočenje dokaza. Za ponuđača „EKOEN“ d.o.o. Bijeljina dopisom broj: 03-45-693/25 od 16.04.2025.godine traženo je pojašnjenje potvrde broj: 12/23 od 24.04.2023.godine; za ponuđača „Metal remont“ d.o.o. Tuzla, traženo je pojašnjenje potvrde od 14.04.2025.godine, izdate od Structura Concept d.o.o. Beograd, i to dopisom broj: 03-45-693/25 od 16.04.2025.godine; i za ponuđača „Radis“ d.o.o. Istočno Sarajevo, pojašnjenje potvrde o uspješno izvršenim radovima broj: 37-362 od 12.05.2023.godine ili potvrde broj: 08/1.02/058-359-1/25 od 24.03.2025.godine, dopisom broj: 03-45-693/25 od 16.04.2025.godine. Za svakog navedenog ponuđača traženo je isto, pojašnjenje potvrda uz predočenje dokaza iz kojeg je vidljiv karakter i kompleksnost izvedenih radova navedenih u potvrdama (npr. tehničke specifikacije, predmjer radova ili slično iz čega je vidljiv opis radova); kako bi komisija ocijenila da li su ti radovi slični onima koji se odnose na predmet nabavke (radovi na izgradnji sistema grijanja i/ili hlađenja na objektima visokogradnje). Ponuđači su dostavili tražena pojašnjenja i to „EKOEN“ d.o.o. Bijeljina u vidu predmjera i predračuna iz glavnog mašinskog projekta „Termoprojekt“ d.o.o. Doboj za radove navedene u potvrdi 12/23 od 24.04.2023. godine izdate od strane Intergaj d.o.o. Bijeljina. Ponuđač „Metal remont“ d.o.o. Tuzla dostavio je traženo pojašnjenje potvrde od 14.04.2025.godine, izdate od Structura Concept d.o.o. Beograd i to u vidu Ugovora o izvođenju radova sa investitorom Structura Concept d.o.o. Beograd, te predmjera radova iz predmetne potvrde sa opisom radova. Ponuđač „Radis“ d.o.o. Istočno Sarajevo dostavio je pojašnjenje potvrde o uspješno izvršenim radovima broj: 37-362 od

12.05.2023.godine, izdate od JU „Studentski centar u Lukavici“ i to u vidu predmjera radova koji su izvedeni po predmetnoj potvrdi. Komisija je pregledom i ocjenom navedenih pojašnjenja konstatovala da su sva pojašnjenja odgovarajuća za predmet nabavke jer karakter i kompleksnost radova iz potvrda odgovaraju predmetnim, odnosno predmetu nabavke.

Pregledom i ocjenom ponuda utvrđeno je da ponude ponuđača „EKOEN“ d.o.o. Bijeljina, „Radis“ d.o.o. Istočno Sarajevo, „Metal remont“ d.o.o. Tuzla i grupe ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko, ispunjavaju kvalifikacione uslove predviđene tenderskom dokumentacijom, te su ocijenjene kao prihvatljive. Navedeni ponuđači dostavili su tražene dokaze zahtijevane tenderskom dokumentacijom na propisan način.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 06.05.2025.godine u 10:00 sati. Ugovorni organ je zakazao e-aukciju za predloženi termin, ali je naknadnim uvidom utvrdio da je prilikom unosa ponuđača napravio grešku tehničke prirode u smislu unosa ponuđača d.o.o. „Papilon“ Koraj-Čelić, umjesto označavanja istog kao grupe ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko, sa d.o.o. „Papilon“ Koraj-Čelić kao nosiocem-vođom grupe ponuđača. S tim uvezi, bilo je potrebno zakazanu e-aukciju otkazati, te ponovo zakazati sa novim terminom, a nakon što tehnička podrška Agencije za javne nabavke BiH ispravi načinjenu tehničku grešku. Uslovi za zakazivanje nove e-aukcije ispunjeni su dana 09.05.2025.godine, pa je Komisija predložila ugovornom organu da istu zakaže za dan 14.05.2025.godine sa početkom u 09:00 sati, što je isti i uradio.

Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije kreiran dana 14.05.2025.godine u 09:20 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljnija grupa ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko, vođa grupe: d.o.o. „Papilon“ Koraj-Čelić, sa najnižom ponuđenom cijenom i nakon održane e-aukcije u iznosu od 318.889,60 KM bez PDV-a.

Komisija za nabavku nakon ocjene ponuda konstatovala je da je najpovoljnija ponuda grupe ponuđača: d.o.o. „Papilon“ Koraj-Čelić i „Termo-Vent Inženjering“ d.o.o. Brčko, vođa grupe: d.o.o. „Papilon“ Koraj-Čelić i predložila da se ugovor o predmetnoj nabavci zaključi sa grupom ponuđača d.o.o. „Papilon“ Koraj-Čelić i „Termo-Vent Inženjering“ d.o.o. Brčko, vođa grupe: d.o.o. „Papilon“ Koraj-Čelić sa najnižom cijenom, a nakon održane e-aukcije u iznosu od 318.889,60 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz tenderske dokumentacije.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi putem ugovornog organa. Ponuđač je dužan dostaviti žalbu ugovornom organu najmanje u tri primjerka, a sve u skladu sa članom 101. i 105. Zakona.

OPĆINSKI NAČELNIK

Admir Hrustanović, dipl. oec

Dostavljeno:

1. Ponuđačima (4x)
2. Komisiji za nabavke
3. Stručnoj službi Općinskog vijeća, Općinskog načelnika i zajedničkih poslova
4. Za općinsku web stranicu
5. Evidenciji
6. Arhivi